

nos. 6-9 never issued

Te Heheuraa Api

E ITE ʻIA OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

No 10

-- ATOPA 1950 --

MAT. 37.

Te Oraraa e te mau Haapiiraa a IESU MESIA

TE faaroo nei matou e, ua maiti-mau-hia o IESU MESIA, hou to'na haereraa mai i nia i te fenua nei, no te haere mai e amo i te mau hara atoa o te ao nei ia tia i te taata ia tia faahou-mai, mai te pohe mai e ia haaavâhia oia no ta'na iho mau hara. (I Petero 1:19-20; Mataio 13:36-37)

Mai te au i to tatou ite ua fanauhia mai o Iesu e na metua maitatai, no te mea e paretania to'na ra metua vahine o Maria. Ua haamaitaihia oia i nia a'e i te mau vahine atoa mai te au i te parau i roto i te Luka 1:42. Mai te au i to tatou ite o te ATUA, te Metua mure ore, te Metua tane mau o Iesu, area râ, i te mata o te taata o te reira tau, o Iosepha ia to'na metua tane, mai te mahana o to'na fanauraa e tae noa'tu i to'na paariraa. (Mataio 13:55)

Ua fanauhia to tatou Faaora i te fanauraa haehaa roa, i roto i te hoê vairaa matie, no te mea aita e piha vata i roto i te fare tipaeraa tei haerehia e Iosepha. (I te reira taime ua haaputu mai te mau taata no Betelehem, e to pihaiho ra, i te oire no te papairaa i to ratou mau i'oa, no reira aita'tura e vahi parahiraa toe.)

man huru ma'i atoa ra e ua haapii Oia i ta'na parau i te mau huru taata atoa, tei ona e tei veve atoa hoi.

Area râ, e au mau taeae e e au mau tuahine, noa'tu i te rahi o te mau haapiiraa nehenehe ta Iesu i haapii mai ua rave rahi te taata tei hinaaro ia pohe oia, e i te hopea ua faasa-tauro ratou ia'na i nia i te aivi Kalavria ra. I muri a'e i to'na poheraa ua tanuhia Oia e te hoê taata tei parauhia o Iosepha tei haere e ani i To'na ra tino ia Pilato. E toru mahana i muri a'e i to'na tanuraahia ra ua tia-faahou-mai Oia, mai te pohe mai e ua itehia oia e Maria i Magadala, o Ioana e o Maria te metua vahine o Iakoba ra e i te tahi atua pue vahine ra. E te hopea o To'na iteraahia, i te reira mau mahana, o te mahana ia i amu ai oia i te maa, e ta'na mau pi-pi e i reva'i Oia i nia i te ra'i, mai tei faaitohia i roto i te Luka 24:51.

E teie nei, e au mau taeae e e au mau tuahine, te faaitohia atu nei au ia outou e, ua ite-mata-hia o Iesu Mesia, e to'na atoa ra Metua, e to tatou Peropheta matamua ra o Iosepha Semita, e te parau atoa'tu nei au ia outou, e au mau taeae e e au mau tuahine, teie faahou â taua Ekalesia tahito ra i nia i te fenua nei no te haapiiraa e te haapaoraa hoi i te mau ture ta Iesu iho i haapii ra. Tei ia tatou te Ekalesia mai ta Iesu iho e te mana mau no te Autahu'araa no te mea ua faaho'ihia mai te reira na roto i to tatou Peropheta ra o Iosepha Semita, no te Ekalesia a Iesu Mesia no te Feia Mo'a no te Mau Mahana Hopea Nei.

Ia haamaitai mai te Atua ia outou, tei nia i te fenua nei, ia imi outou i te parau mau e ia rave hoi outou i te mea au i mua i te aro o te Atua.

Elder Jack F. Park (Paraita)



EDITORIAL

Te Parauraa, UA HAPE AU.

I te tahi mau taime te mana'o nei tatou e, ua tatarahapa mau tatou e ua faaorehia te mau hape tei ravehia i te taime e parau atu ai tatou UA HAPE AU. Area râ te vai atura te tahi tufaa o te parau ra, UA HAPE AU, tei hau atu i te fifi i te parauraa i te hoê parau. E i te tahi mau taime ua hau atu te titaupia i te oto-noa-raa. Eita te parau noa raa, ua hape au, e faaho'i mai i tei mo'e ra. Eita te parau noa raa, ua hape au, e faaore i te mauui o te mafatu oto ra. E tauturu rii noa paha te reira parau. Area ra te parauraa e, ua hape au, o te haamataraa ia i te haereraa i nia i te e'a afaro. Area râ e ere â te reira i te tatarahaparaa mau.

Te tatarahaparaa mau o te hoê ia mea tei hau roa'tu i te hohonu i te parau noa raa i te hoê parau tei ineine noa. I te tahi mau taime te tatarahapa nei te taata no te mea te peapea ra ratou no te fifi te tupu mai. E i te tahi mau taime e faatupu te mata'u i te tatarahapa, e ia ore te mata'u e ore atoa ia te tatarahapa. E mea pinepine roa to te taata ite-papu-raa i te utu'a mau no te mau ohipa i ravehia e ratou ra. Area râ, i te tahi mau taime, te tamata nei ratou ma te tia-turi papu e manuia ratou. E ia ore ratou ia manuia e parau i ratou, ua hape pai au.

E oto ihoa te taata ia ite oia i te mau ohipa iino tei vai i mna ia'na e te mau utu'a hoi no te reira! E i te hopea e mana'ohia ihoa ua *tatarahapa* mau oia. Area te tatarahapa mau ua hau atu ia i te haamâraa e ua hau atoa'tu i te mata'u i te mau pe'ape'a e tupu mai. Ia amuihia, i roto i te tatarahapa mau o te hoê taata, to'na fariiraa e, ua ite mau oia i te tia-ore o te mau ohipa tei ravehia e ana ra, e ua tatarahapa mau

oia no te reira e te imi mau nei oia i te ravea no te faa afaro i te reira.

E mai te mea e taata paari oia ua noaa ia ta'na haapiiraa. Mai te mea e maamaa oia, e hape, hape noa oia--e haere noa oia ma te himene noa ua hape au. Ia haapoto noa i te parau, teie ia te uiraa e vai nei ia parau te hoê taata, ua hape au: Ua ite mau oia i to'na hape, e a ore râ, te faahua tatarahapa anei oia? No te faaiteraa mai i te parau mau ua rahi te mau ohipa te tia ia ravehia e te hoê taata na nia a'e i to'na parauraa mai e, ua hape au. Eita paha e tia ia'na ia faa afaro i te ino i ravehia ra, area râ ia riro oia ei taata parau mau i te taima a parau ai oia, ua hape au, ia parau mau oia i te reira ma te tau i te huru o to'na oraraa ra.

TE POHERAA

Q A riro anei te poheraa ei hopea? Ia tatou nei, te mau Momoni, ua ite tatou e e ere te poheraa i te hopea. Ua riro te poheraa, na te mau Feia Mo'a no te Mau Mahana Hopea Nei, ei ravea no te haereraa i mua, i te vahi faaineineraa no te oraraa rahi a'e.

Nohea mai te pohe? I roto i te Genese, i te pene 2 e i te irava 17 e ite ia tatou e ua amu o Adamu i te hotu o te raia e ite ai i te maitai e te ino no reira e tia ia pohe tatou no te mea ua na ô mai te parau papai: *Area i to te raia e ite ai i te maitai e te ino, eiaha oe e amu i te reira; ei te mahana e amu ai oe i te reira, e pohe ia oe.*

Ua imi te Mesia i te ravea ia ho'i faahou tatou i mua i te aro o to tatou Metua i te ao ra na roto i to'na poheraa i mua i te satauro. *I pohe na hoi te Mesia iho no te hara i te poheraa, te taata parau-tia no te feia parau-tia ore, ia tae te*

tou ia'na i te Atua ra, i taparahi-pohe-mau-hia oia i te tino ra, i faaorahia râ e te Varua. (I Petero 3:18)

I teie nei ua ite atura tatou i te tumu o to tatou poheraa. E haere ia tatou i hea i muri a'e i to tatou poheraa?

E haere ia tatou i roto i te hoê ao varua, no te mea e ite tatou ua parau mai te mau peropheta atî Nephi, e te atî Iuda atoa hoi, no nia i te hoê vahi tapearaa no te mau varua. *E tena na, ia tuu mai te pohe e o hade atoa i to ratou feia pohe; e ia tuu mai hoi hade i to'na mau varua i tapeahia ra e tia'i; e ia tuu mai hoi te pohe i to'na mau tino i tapeahia ra e tia'i; e e faaho'ihia te varua i te tino e te tino i te varua. (II Nephi 9:12)*

Taua mau varua ra, tei tuuhia mai e hade, e ere ia i te varua o te feia parau-tia no te mea ua na ô mai taua peropheta ra, i roto i te irava 13 o taua pene ra, *E tuu mai hoi te paradaiso a te Atua i te mau varua o te feia parau-tia ra.*

Na te reira mau papairaa e faaite mai ia tatou e, e haere te varua o te feia parau-tia ore ra i roto i te hoê vahi tapearaa, tei parau-atoa-hia o hade, e te varua o te feia parau-tia ra e haere ia ratou i roto i te paradaiso a te Atua, te hoê vahi maramarama e te hau. E te mana'ohia nei e, hoê â taua vahi ra i te vahi ta'na i parau atu i te taata eiâ, i nia i te satauro ra, *Ei paradaiso ia oe e o vau atoa i teie nei mahana. (Luka 23:43)*

E i muri iho te vai ra te hoturaa o te tia-faahouraa-matamua. O vai ra te haere mai i te tia-faahouraa-matamua? Te faaite-hia maira tatou, e te Buka Fafau i te pene 76 e i te irava 50-65 e, *E inaha, te faaite faahou atu nei maua—ua ite e ua faaroo hoi maua, e ua riro te reira ei parau faaite no te evanelia a te Mesia no nia i te parau o vai te haere mai i te tia-faahou-raa o te feia parau-tia—O ratou ia tei farii i te parau faaite no Iesu, tei faaroo i to'na ra i'oa e tei baptizohia*

Ua faaite-atoa-hia mai te hanahana o te Teretetiera i roto i te mau irava 71-80 o taua pene tei na ô mai e, E ite atura maua i te hanahana o te ao teretetiera, e inaha o ratou ia te noaa te tino teretetiera e tei huru ê to ratou hanahana i to te Ekalesia a te matahiapo, tei noaa ia ratou te iraa o te Metua, tei huru ê to ratou hanahana i to te marama e huru ê nei i to te mahana i roto i te ra'i ra. E inaha o ratou tei pohe ma te ture ore. E o te varua ratou o te mau taata tei tuuhia i roto i te tapearaa, tei farereihia e te Tamaiti e ta'na i poro atu te Evanelia ia tia to ratou haavaraa mai to te taata i roto i te tino nei. Aita râ ratou i farii i te parau faaite o te Mesia i to ratou oraraa ra, ua farii ra i te reira i muri iho. O ratou ia te mau taata maitatai o te ao nei tei haa matapohia e te mau haavare a te taata nei. O ratou o te farii i to'na hanahana, eiaha ra to'na ra iraa. O ratou te farii i te iteraa i te Tamaiti, eiaha râ i te iraa o te Metua. No reira ratou i riro ai ei mau tino teretetiera, eiaha ra ei tino tiretiera, e ua huru ê to ratou hanahana mai to te marama i to te mahana ra. O ratou tei ore i itoitō i roto i te parau faaite no Iesu, no reira eita e roaa ia ratou te korona hanahana i roto i te basileia o te Atna ra.

E i roto i taua pene ra, i te irava 92-95 te faaite-atoa-hia ra te huru o te basileia Tiretiera ia tatou mai teie i muri nei, E mea na reira to maua iteraa i te hanahana o te Tiretiera ra, tei hau atu i te mau mea atoa ra,—te vahi te reira te Atua, te Metua, i te parahiraa nia i to'na terono e a muri noa'tu, F i mua i to'na terono te mau taata atoa e tahopu haehaa'i ma te faahanahana ia'na e a tau noa'tu. E te feia e parahi i mua i to'na aro o te Ekalesia ia a te Matahiapo; e ite ratou mai to ratou hi'oraahia'tu, e e ite ratou mai te au i to ratou itea-raa-hia mai, no te mea ua farii ratou i te iraa o to'na hanahana e to'na maitai; e ua faa-aifaito oia ia ratou i roto i te mana, te puai e te faatereraa. E ua hoê to ratou hanahana mai to te mahana ra.

I roto i te ao Tiretiera te vai nei na ao e toru, e a ore râ, na tufaa e toru, e ia tia i te taata ia ô atu i roto i tei teitei roa ia tomo ia oia i roto i taua nanairaa o te autahu'araa (oia hoi te fafauraa apî e te mure ore hoi o te faaipoiporaa); e itehia ratou mai teie te huru: 1^o- te teitei roa . . . Atua; te 2^o- tei parauhia e . . . Melahi; e te 3^o- tei parauhia . . . e Tavini.

No reira e mea tia roa ia faaoti tatou i ta tatou mau oro'a i roto i te mau Hiero, no tatou iho e to tatou mau feia i pohe ra mai ta Paulo i parau mai ia tatou i roto i te Hebera 11:40 e tei faaite-atoa-hia i roto i te Buka Fafau 128:15 tei na ô mai: *ia ore tatou e ore roa ratou e tae i te îraa o te maitai.*

Te haere nei oe i hea?

Papaihia e Tihati Robinson

TE TAIVARAA RAMI

TEie te parau tumu tamau a te Ekalesia a Iesu Mesia no te Feia Mo'a no te Mau Mahana Hopea Nei, oia hoi, o tatou te Ekalesia mau a te Mesia tei faaho'ihia mai i teie mau mahana hopea nei. Oia mau, ahiri aita te ekalesia matamua i taiva ê atu aita'tura ia e faufaa ia faaho'i faahou mai te Fatu i ta'na ekalesia. Na roto i te reira feruriraa e tia ia imihia te mau parau tei haapapu mai e, ua taiva ê te ekalesia matamua, mai te mea aita ua riro ia ta tatou ekalesia no te mau mahana hopea nei ei haavare.

I te haamataraa e mea tia ia tatou ia tapao e, ua faatia o Iesu Mesia i ta'na ekalesia i nia i te fenua nei e ua horoa oia i te tahi mau taata te mana no te faatereraa i te mau oro'a e te mau ture no te evanelia, na roto i to'na ra i'oa. Ua rave rahi te mau tapao, o te reira huru faatereraa, te itehia i roto i te mau papairaa mo'a, e te hoê tei papu maitai tei roto ia i te Mataio 16:18 tei na ô mai e: E parau atoa'tu vau ia oe, O Petero oe, e ei nia iho i teie nei papa e patu ai au i ta'u ekalesia, e e ore roa ia e noaa i te uputa o hade.

Teie te parau papu, ua faatia oia i te *hoê* ekalesia, te hoê noa iho ekalesia mau, e ua riro te reira hoêraa ei faufaa tumu no ta'na ekalesia no te mea ua faaite-papu-hia te reira i

roto i te pure a te Mesia i to'na ra Metua. I roto i ta'na pa
re ua faaite-papu-hia ia vai mau te tahoêraa i roto i te eka
lesia mau a te Atua. Ua papaihia te reira i roto i te Ioana
17:21-22: Ia riro ratou atoa ei hoê, mai ia oe, e tau Metua
roto ia'u nei ra, e mai ia'u hoi i roto ia oe na, ia hoê atoa
tou i roto ia tâua, ia faaroo to te ao e na oe au i tono mai
ua horoa vau i te hinuhinu no ratou i ta oe i ho-mai no'u
ia riro ratou ei hoê mai ia tâua hoê nei.

O te reira ia te huru, e mea papu eita roa te Fatu e faa
i te anoi noa e vai nei i roto i te mau amuiraa e rave rahi
tei parauhia e Cherisetiano, tei vai i te ao nei, e mai te ma
e ere te Atua te tumu no te anoi noa, ia vai mau ihoa te ho
noa iho ekalesia mau. (I Korinetia 14:33)

Ua tohu te mau Peropheta tahito, mai tei papaihia i roto i
Faufaa tahito, e tupu te taivaraa i roto i te ekalesia matamu
a te Mesia e e rave ê-atoa-hia, no nia i te fenua nei, te ma
na ia rave i te ohipa i roto i te i'oa o te Atua e tae noa'tu
te tau au maitai no te faaho'iraa mai i te reira. O Isaia
hoê peropheta tei farii i te ûrûraa no nia i te reira parau
te mea ua na ô mai oia i roto i te pene 24:5 o ta'na buka

Ua viivii te fenua i raro a'e i te taata ra; ua hapa ratou i
ture ra; ua ruri-ê-hia e ratou tei haapao-tamau-hia ra.

Ua tohu-atoa-hia, i nia i te fenua o te tooa o te râ, te tal
tohuraa tei papaihia i roto i te Buka a Moromona, I Nephi
13:26 tei na ô mai:

E tae maira te reira mai te ati Iuda i te Etene na te rima
te mau aposetolo tino ahuru ma piti a te Arenio; ua hi'o atu
ra oe i te niu o te hoê ekalesia rahi e te faufau; e ua hau to'm
faufau i to te mau ekalesia atoa; inaha hoi, ua iriti ê atu ra
tou i te mau vahi papu e te faufaa rahi e rave rahi no roto ma
i te evanelia a te Arenio; e ua iriti ê atura hoi ratou i te mau
faufaa e rave rahi a te Fatu ra.

Na roto i te reira te ite papu nei tatou e. te parau mai nei

te Fatu na roto mai i te vaha o to'na ra mau peropheta. No reira aita e tapitapiraa no nia i te parau ra e, ua tohu-ê-hia na te parau no te Taivaraa e te mau peropheta tahito ra.

Ua tupu te haamataraa o te reira taivaraa i muri noa iho i te poheraa o te Faaôra, i te tau o te mau Aposetolo, e e ua tapaohia te reira e te mau aposetolo ta'na i faatoroa no te ohipa ra. I roto i ta'na episetole i to Galatia ua na ô te aposetolo ra o Paulo, *Te maere nei au ia outou i taa ê vave i tei haamau ia outou i te aroha mau o te Mesia, i roto i te tahi evanelia ê atu.* (Galatia 1:6) **Ua rave rahi te mau tapao, tei tapaohia e te mau aposetolo, tei faaite mai i te omuaraa mau o taua Taivaraa rahi, mai te au i te mau parau papai ta ratou i vaiiho mai.**

I teie nei ua noaa ia tatou te ite e, ua faatia mau te Mesia i te ekalesia mau ra, ua tohuhia to'na taivaraa, e ua itehia te haamataraa o te reira e te mau feia papai evanelia, e tia ia, ia tatou, ia imi i te mau tumu no te Taivaraa rahi. Ua rave rahi te mau tumu, e te taa ê hoi te tahi i te tahi, no reira e tataua noa tatou i te tumu rarahi ana'e.

I te haamataraa ua faahuru ê ratou i te parau no te Atua-raa, i roto i to'na huru, mai te hoê metua here tei mau i te hoê tino i'o e te ivi, i roto i te hoê mea varua aore to'na e huru e aore to'na e melo.

E ua haapii atoa mai ratou i te parau no to te tamarii *Poheraa*, e na roto i te reira te tiaturi nei ratou e, ia fanau mai te hoê ai'u iti, i te ao nei, tei nia iho ia'na te hara tumu a Adamu e e vai noa te reira pohe i nia ia'na e tae noa'tu te taima e ravehia'i te hoê bapetizoraa tei faahuru ê hia— O te hoê ia hape rahi mau.

E te tahi â tumu o teie ia, o te haapiiraa ia o te *Taraehara* no te taata ta tai tahi. O te haapiiraa ia tei na ô mai e, o te hoê noa iho pae taata te faaorahia e te taraehara o te Mesia,

area te toe o te taata ra e pohe ia ratou. I roto ra i te mau parau mo'a ua faaitehia e ua riro te taraehara ei ravea no te faaoraraa i te taatoaraa o te taata, eiaha ra te hoê noa iho pae o te mau taata.

Ua monohia te tiamâraa, e a ore râ te mana no te raverâ i tei hinaarohia ra, i te haapaoraa etaeta i te mau ture o te mau ekalesia iho. Ua ite ra tatou e, teie te hoê haapiiraa tumu a te Mesia, oia hoi, tei te taata iho te mana ia maiti i to'na e'a, e te fariiraa, e a ore râ, te patoiraa i te evanelia ra, e ohipa ia na te taata iho.

Mai te haamataraa mai â o te fenua nei ua riro te Heheura e ei niu tumu no te ekalesia mau a te Fatu, e te parau mai nei oia na roto i ta'na mau peropheta. Area ra aita te toa o te ekalesia o te Mesia, no to ratou ino rahi, i farii faahou i te heheuraa ei parau tumu e te haapii mai nei ratou e, ua tapirihia te ra'i e aita â te Fatu i parau faahou mai, mai te avatea mai â o te mau tau.

Ua monohia to te taata tatararaa i te Bibilia, mai te au to'na iho feruriraa i te mau tatararaa a te mau feia faatere e ta ratou mau buka pureraa. Aita roa te tai'oraa e te tatararaa o te parau mo'a i faatiahia e to ratou mau aratai, e te tahi tau maoro aita roa te reira ekalesia i faatia ia vai te Bibilia i roto i te rima o to'na mau melo rii ra.

Te vai atura te mau tumu rahi no te Taivaraa te tia ia faahitihia, e i roto ia ratou te vai nei teie: te hooraa i te faaterearaa hara; te haamoriraa i te mau ivi taata pohe, te haamoriraa i te mau peata e te faaipoipo ore raa o to'na mau feia faatere. Area, i teie nei, ua navai roa te ite i noaa mai ia te ratou no te *mairiraa'tu*, eaha, i to tatou mana'o, e vaiiho noa anei to tatou Atua parau-tia i te ao nei i roto i te hoê huna taiva e a muri noa'tu, no reira eaha ia te hoturaa no te Taivaraa Rahi?

Teie ia te hoturaa matamua tei tupu, oia hoi, ua mo'e te Autahu'araa Mo'a, oia hoi te mana ia rave i te ohipa i roto i te i'oa o te Atua, no nia i te fenua nei e ua rave ê hia'tu te reira.

Teie te tahi hoturaa tei farii-mau-hia, oia hoi te Reformatio. O te tamataraa ia te reira a te taata ia faaafaro i te mau hape o te Taivaraa. No roto mai i te reira te tupuraa mai o te mau Porotetani e ua haamaramamahia te reira ohipa e te mau taata tuiroo mai ia Maratini Lutero, Ioane Wickliffe e o Ioane Calavina. **Ua rave te reira reformatio i ta'na tufaa** ohipa na roto i te haamaramamaraa i te feruriiraa o te taa-ta no nia i te taivaraa e te faaineineraa ia ratou no te farii-raa i te faaho'iraahia mai o te evanelia tei tupu i na hanere matahiti i muri iho na roto i te peropheta ra o Iosepha Semita.

Na te reira hi'oraa i te huru o te reformatio e faaite mai i te hotu mau o te Taivarra, oia hoi, te faaho'iraahia mai o te iraa o te evanelia, ma te mana mau e te mau taviri atoa no te raveraa i te ohipa a te Fatu i roto i te tuuraa hopea o te mau tau. Eaha te huru o to tatou manuia i te oraraa i te tau i iriti-faahou-hia'i te mau uputa o te ra'i e i fâ faahou mai ai to tatou Fatu i te taata nei e to'na faaho'iraa mai i ta'na Evanelia mure ore.

O ta'u ia pure, ia noaa ia tatou, na roto i te ite i noaa mai no nia i te Taivaraa Rahi, te faaitoitoraa no ta tatou mau parau faaite no nia i te faaho'iraahia mai o te Evanelia.

Papaihia e Tihoti Hilton, Orometua.

Eiaha oe e tapea i te maitai i te taata e au ia'na ia hopoi ra, tei to rima taua maitai ra ia hopoi. Eiaha oe e parau i to taata-tupu ra, A haere, e e ho'i faahou mai, e ananahi au e hopoi atu ai ia oe ra: e te vai ra hoi taua mea ra, tei ia oe. (Maseli 3:27-28)

TE HAERE NEI TE EKALESIA I MUA

Na roto i to te Peresideni o te tino Ahuru ma piti'Aposetolo, o Tihati F. Ritata poheraa, tei tupu i te 8 no Atete i mairi a'enei, ua maitihia e ua fariihia, i roto i te Amuiraa Atopa i mairi a'enei, o Davida O. McKay ei mono no'na i roto i taua toroa ra, area râ no te rahi o ta'na ohipa i roto i to'na toroa Tauturu Piti no te Peresideniraa Matamua, ua maitihia o Iosepha Fielding Semita, to muri noa iho ia'na, i roto i taua pupu ra, ei Peresideni mono iana no te faatereraa i te Tino Ahuru ma piti Aposetolo.

No te monoraa ia Tihati F. Ritata tei pohe ra, ua maitihia e ua fariihia o Delbereta L. Stapley ei Aposetolo no te Ekalesia a Iesu Mesia no te Feia Mo'a no te Mau Mahana Hopea nei. O oia ia te 67 o te Aposetolo i roto i taua pupu ra mai te mahana o to'na faatiaraahia, te 26 no Eperera 1835.

Te Initia America matamua tei haere e faaoti i ta'na mau oro'a, i roto i te Hiero, i Roto Mitì, ua mana'ohia e o James Sonny tei haere i reira ma te apeehea e ta'na vahine e ta raua na tamarii tootoru ra. E ere i te mea roa a'enei to ratou riroraa ei melo no te Ekalesia no te mea ua baptizohia ratou i te 24 no Tenuare 1949, area râ, no to ratou itoitoe ua tae ratou i te vahi e titauhia nei e te mau melo no te Ekalesia, oia hoi, ia haere i roto i te Hiero o te Atua.

I te fenua Purutia ua faatupuhia a'enei te hoê amuiraa na te Feia Api, i roto i te hoê uru raau i pihaiho i te oire ra i Berlin e ua noaa e 800 taure'are'a tei tae mai e ua puhapa ratou i reira, i raro a'e i na fare ie e 40 tei faatiahia i reira.

Ua faaterehia te reira amuiraa no na mahana e 10 ra i raro a'e i te aratairaa o te mau taata aratai o te Feia Api, e ua rave rahi te mau ohipa mai tai tei ravehia i reira.

No te tautururaa i te hoê ohipa arearea tei faatupuhia no te hamani-faahou-raa i te fare pureraa tei paapaa i te auahi, ua hamanihia te hoê pai tei parauhia te pai rahi roa a'e o te ao nei, no te mea ua tae to'na faito i te 3 avae e te afa ia faitohia i ropu, e e 9 initi i te meumeu; ua pau, no to'na hamaniiraa, 10 tatini huero moa, e 9 afatata û, hoê afa afata taporo e e 60 puohu no te hamaniiraa i te paa o taua pai ra. I te pô hopea o taua arearea-raa ra ua tapupuhia taua pai ra i roto i na tufaa e 500 ra tei hoochia no te moni ra hoê raera e pae pene i te tufaa hoê.